



SENTRU ESTUDU REZOLUSAUN – POS KONFLITU

Nota Konseitu

Abstraktu

Nota Konseitu ida nee nudar parte ida husi Programa Memorializasaun Integradu Centro Chega! nian hodi hatan ba Misaun Centro Chega! nian

Maria Arminda G. da Costa & Hugo Maria Fernandes



PROGRAMA MEMORIALIZASAUN INTEGRADU
NOTA KONSEITU
SENTRU ESTUDU REZOLUSAUN POS-KONFLITU

I. LIA MAKLOKE

Centro Nacional Chega! I.P, *Da Memoria A Esperança*, (Centro Chega!) estabelese nu'udar Institutu Públiku bazeia ba Dekretu-Lei nº48 /2016, 14 dezembru ho vizaun atu hari'i Sosiedade ida ne'ebe mak inklusivu, la repete istória pasadu nian, moris iha dame, no respeito dereitus umanus.

Centro Chega! nia misaun mak atu harii Centru póz-konflitu ne'ebé prezerva memória pasadu nian hodi promove direitu no valór umanu no harii parseria nasional no internasionál hodi reforsa rede servisu sira atu implementa rekomendasaun sira husi Relatório Final *Comissão de Acolhimento, Verdade e Reconciliação (CAVR)- Chega!* no *Comissão da Verdade e Amizade (CVA) – Per Memoriam Ad Spem*, sira ne'ebé relevante.

Dekretu-Lei nº 48 /2016 iha **Artigo 5.º konaba Atribuições sira hatete katak** O Centro prossegue as seguintes atribuições:

- a) Promover e monitorizar a implementação das recomendações da CAVR relativas à institucionalização da memória e à promoção dos direitos humanos através da educação e formação e de solidariedade com os sobreviventes mais vulneráveis das violações de direitos humanos e, as que tem em comum com CVA.
- b) Assegurar a preservação da memória e da história de Timor-Leste no período de 1974 a 1999;
- c) Contribuir para a prevenção de reincidência de violência e para a construção de uma cultura de damee respeito pelos Direitos Humanos e dos sobreviventes mais vulneráveis das violações dos Direitos Humanos;
- d) Contribuir, no âmbito das suas competências, para a educação cívica, formação e metodologias de ensino no que se refere à História de Timor-Leste no período de 1974 e 1999 e aos Direitos Humanos;
- e) Promover a continuidade da disseminação e socialização do relatório *Chega!*, e outros instrumentos de divulgação produzidos pela CAVR e pela CVA;
- f) Promover a solidariedade com indivíduos e os grupos de sobreviventes mais vulneráveis das violações dos Direitos Humanos no período de 1974 a 1999;
- g) Quaisquer outras que lhe sejam atribuídas por lei.

Iha Artigo 6 konaba Kompetensia sira, pontu balun tuir mai ne'e haraik ba Centro Chega! responsabilidade atu:

- Identificar, em consulta com os sobreviventes do conflito e comunidades locais, de lugares de consciência que funcionem como fóruns de promoção de valores de respeito pela História e pelos Direitos Humanos;



- Aconselhar o Governo relativamente às políticas de apoio aos sobreviventes mais vulneráveis das violações dos Direitos Humanos no passado;
- Realizar e promover debates, seminários, conferências e colóquios no âmbito das suas competências;
- Colaborar com os sobreviventes traumatizados e com entidades governamentais e não governamentais, nomeadamente sobre os traumas causados pelos conflitos;
- Envolver os sobreviventes mais vulneráveis das violações dos Direitos Humanos nas atividades do Centro;

Atu operacionaliza atribuisaun organika Centro Chega! nian mak liu husi planu estrategiku nebe defini vizaun no misaun nebe mak sei to'o. Atu atinji vizaun, misaun ida importante ida ne'ebe mak tenke halo mak "Hari'i Centro Chega! póz-konflitu ne'ebé prezersa memoria pasadu nian hodi promove direitu no valór umano". Misaun ida ne'e exerse nia papel importante hodi kontribui ba meta jeral husi Centro Chega! nia hanesan tuir mai ne'e: "Institucionalmente, organizaun Governu no mos organizaun non – governu nian sira, iha nivel nasional no internasional, iha ona koinesementu, no inkorpora Relatoriu no Rekomendaun Chega! hosi CAVR no relatorio Per Memorim Ad Spem hosi CVA, iha sira nia politika no planu servisu". Ho ninian objetivu espesifiku mak hanesan : "Centro Chega! sei kontribui ba hamenus hahalok violensia publiku, violasaun direitus umanus hosi instituisaun estadu nian sira, no hamenus vulnerabilidade hosi sobrevivente sira nian"¹.

Ho hanoin katak atu bele to'o iha Sentru Estudu Rezolusaun Pos Konflitu Centro (SER-PK) nia hodi kontribui ba meta espesifiku Centro Chega! mak: sei serbisu hamutuk ho Governu no sosiedade sivil ho nune Centro Chega! ho natureza Instituto publico nia programa bele kontribui ba Planu Dezenvolvimentu Estratéjiku no Objetivu Dezenvolvimentu Sustentavel. Alem de ida ne'e bele fahe mos nia lisaun póz-konflitu ho comunidade internasionál. Portanto objetivu CENTRO CHEGA! atu atinji iha tinan 5 nia laran mak hakarak: Institucionalmente, organizaun governo no non-governo, iha nivel nasional no internacional, iha koinesementu, no inkorpora relatoriu CAVR no relatoriu CVA no sira nia rekomendaun sira iha Governu nia politika no planu servisu. Exekusaun ba hanoin ida ne'e mak liu husi implementasaun rekomendaun CAVR tuir nia tema prinsipál haat:

- Hanoin hikas fila fali ka memorializaun (prezerva, aumenta no halo pasadu Timor sai asesivel, inklui sítiu konsiensia no memorabilia);
- Edukasaun (utiliza memória pasadu Timor-Leste partikularmente atu promove lae ba violénsia, dialogu no respeita ba diretu umanu sira entre joven no dezenvolve 'koñesimentu komun atu fahe istória ho Indonézia);
- Solidariedade prátika ho sira ne'ebé sira-nia situaun póz-konflitu seidauk rezolve no ho sira ne'ebé kontinua sofre tanba violasaun pasadu;
- Kolaborasaun ho governu, vítima sira, sosiedade sivil, Igreja Katóluka, no instituisaun relijioza sira seluk iha Timor-Leste no divulgasau ba comunidade internasionál inklui instituisaun sira no matenek-na'in husi Internasionál no Indonézia.

Atu konkretiza objetivu jeral ida ne'e mak sei implementa liu husi hanoin hirak nebe mak kontem iha objetivu espesifiku nian. Objetivu espesifiku sira nebe mak sei implementa hodi atinji objektivu jeral

¹ Planu estratejiku Centro Nacional Chega p. 6-7



mak hanesan: Objektivu Da-huluk: Centro Chega! sai Centro ba dame no dereitus umanu mak iha kapasidade institusional, sustentavel, no jere ho diak; objetivu da-ruak Prezerva ba memoria pasadu, edukasaun kona ba valor dame no dereitus umanu, no fo solidaridade ba vitima vulneravel sira produs tiha ona efeitu pozitivu; objetivo ikus mak Objektivu Da-toluk: Publiku nia konesementu kona ba relatoriu CAVR no CVA aumenta no rede servisu hodi implementa relatoriu rua ne'e metin liu tan. Atu objetivu hirak ne'e iha koherensia ba malu nebe ikus mai bele kontribui hodi atinji objetivo jeral nomos vizaun no misaun wainhira Centro Chega! Sai Centro ba dame no dereitus umanus mak iha kapasidade institusional, sustentavel².

II. REZOLUSAUN POS-KONFLITU

a. Konseitu Konflitu no Rezolusaun Konflitu

Konflitu nudar mekanismu ida ne'ebe mak ema no grupu sira artikula sira nia aspirasaun no objetivu sira, dalan hodi buka solusaun kreativu ba emar nia problema sira no lalaok atu harii identidade kolektiva ida. Tan konflitu nee mosu tan ema mak halo, nesesariu duni atu komprende konflitu husi kontestu kultural no sosial ne'ebe involve mos valores, fiar, sentimentu ta'uk no diskonfia, interesen no hakarak, atetude no asaun, relasaun no mos ligasaun entre ema.

Konflitu mos nudar eransa ida husi sosiedade ne'ebe deit. Diferensa opiniaun no mos interese entre grupu no entre nasaun sira nudar lalaok natural ida, maibe oinsa mak diferensa sira ne'e hato'o ba malu (espresa) no jere mak sei determina serake konflitu ne'e sei manifesta iha ambitu politika ka ho dalan violentu. Wainhira grupu sira iha sosiedade ida nia laran buka atu atinji sira nia objetivu sira haktuir lei no norma sira estabesidu iha sosiedade nia laran, konflitu ne'e, iha tendensia nudar konflitu politiku. Maibe dalaruma, wainhira grupu sira uza violensia duke politika hodi atinji sira nia objetivu sira.

Haktuir Belay Tefera K, konflitu nia orijin maioria mak mai husi kauza internal (domestiku) kompara ho konflitu neebe mak mai husi fator sistematik sira seluk. Tan ne'e mak analis konaba abut husi konflitu nian tenki hatur iha kompriensaun komun konaba sosiedade nia pasadu no prezente no rezolusaun ba konflitu sira nune'e, tenki dezena bazeia ba mekanismu rezolusaun konflitu tradisonais sira ne'ebe ema uza hodi rezolve disputa.

Wainhira ita kompriende saida mak afeta dinamika husi konflitu ida, ita bele garante katak intervensaun politika (policy intervention) sei la instiga (sunu) no hamoris fali situasaun violensia, maibe intervensaun ne'e sei tulun hodi jere, implementa no reduz konflitu.

Rezolusaun Konflitu nudar estudu ida ne'ebe mak tuir nia konseitu abranze no involve estudu sira ne'ebe mak iha relasaun ho konflitu sosial. Estudu konaba rezolusaun konflitu dezenvolve no hetan

² Plano estrategico Centro Nacional Chega! p 8-9



avansu signifikante iha dekada 1970 nian wainhira akademiku no praktikante sira buka fo resposta ba mudansa sira iha sosiedade (Kriesberg, 2001).

Rezolusaun konfliktu laos estudu homogenu ida husi aspeitu sira hanesan asumsi, asuntu no metodolojia ne'ebe mak uza hodi ezamina konfliktu ruma (Mitchell 1994; Tidwell 1998; Kriesberg 1997). Estudu konaba rezolusaun konfliktu bele halo liu husi fator estruktural and persepsual nebee mak afeta Sistema konfliktu. Fator ida nee hodi kompriende tan sa mak grupu ida halo interasaun ho grupu seluk, hodi nune'e it abele komprienda kauza husi konfliktu ida. Fator daruak mak tenki hatur estudu rezolusaun konfliktu nudar prosesu ida hatur konfliktu sosial no nia rezolusaun sira nudar prosesu dinamiku ida. Iha ambitu ida ne'e, involmentu parte seluk (third party) bele sai nudar parte ida mak hamosu transformasaun konfliktu hodi tulu parte sira iha konfliktu too ba desizasaun satisfatoriu entre parte sira nebee mak iha konfliktu. Fator da-toluk mak parte sira hotu-hotu neebe involve iha konfliktu sei afeta sira nia relasaun. Nee signifika rezolusaun la buka atu atribui sala ba karakteristiku husi parte balun maibe saida mak parte ka grupu sira halo atu influensia prosesu husi konfliktu ida. Nune'e, mekanismu rezolusaun konfliktu tenki halo analis kritiku ida hodi buka solusaun liu hosi solusaun kreativu sira neebe mak tenki hetan fiar husi parte sira iha konfliktu hodi solusaun ne'ebe mutualmente parte sira iha konfliktu bele simu. Iha aspeitu ida ne'e, mak kna'ar parte sira neebe sai nudar mediator importante tebes.

Bazeia ba fator sira iha leten, bele nota katak, konfliktu pasadu ne'ebe mak akontese iha Timor-Leste husi periodu 1974-1999 nesesitya mekanismu rezolusaun konfliktu ne'ebe mak involve parte terseiru (mediator) liu husi dezena mekanismu rezolusaun konfliktu nativu eh tradisional ne'ebe mak parte sira iha konfliktu bele simu.

b. Dinamika Konfliktu iha Timor-Leste

Istoria violensia Timor-Leste nian neebe naruk, hahu husi periodu kolonializmu Portuges durante tinan 450 to'o iha tinan 1975, durante okupasaun Japunes iha tinan 1941-1945, konfliktu interna durante periodu 1975 no mos violensia sira ne'ebe mak mosu durante periodu okupasaun Indonezia iha Timor-Leste husi tinan 1975 to'o 1999 husik hela fitar ne'ebe mak seidauk kura to'o ohin loron. Divizaun iha sosiedade hatudu liu husi diferenza iha klase sosial, ekonomia no poder politika no ideolojia mak legadu sira neebe mai husi periodu naruk kolonializasaun ne'ebe kontribui signifikantemente ba konfliktu pasadu no mos sai risiko ba konfliktu iha futuru.

Durante periodu konfliktu 1974-1999, sosiedade Timorensa asosia sira nia aan ba parte ida ne'ebe mak hakarak ukun rasik aan no parte seluk mak hakarak kontinua sai nudar parte ida husi Indonezia. Divizaun sosial Timorensa husi konfliktu politiku pasadru (1974-1999) ne'e, la totalmente rezolve hafoin Timor-Leste ukun rasik aan iha tinan 2002.

Iha Timor-Leste ne'ebe mak independente, aspeitu balun husi divizaun sosial pasadu nian kontinua permanese. Iha aspeitu politiku nian, konfliktu pasadu pro no kontra ukun rasik aan, transforma fali ba sosiendade timorensa nasionalista pro-ativu, pasivu no sosiendade timorensa oportunistu. Divizaun



sosietal ne'e, tinan ba tinan klean liu tan wainhira diverzencia politika kontemporaria (entre lider ka partidu politiku) ema eh grupu sira iha tendensia atu refere ba *unresolved bussiness* iha pasadu.

Relatoriu Chega! iha Kapitulu I storia Konfliktu apresenta kauza, natureza, fatores no responsabilidade institucional husi parte sira ne'ebe mak involve iha konfliktu politiku iha periodu 1974-1999. Nune'e mos Relatoriu Per Memoriam Ad Spem, iha Kapitulu Kontestu nian, halo referencia ba Relatoriu Chega! konaba fator no natureza sira husi konfliktu politiku neebe akontese iha tinan 1999. Relatoriu rua ne'e, halo rekomendasaun sira atu prevene konfliktu hafoin Timor-Leste tama iha periodu tranzisaun nian. Maske nune'e, konfliktu internal entre parte sira iha periodu kontemporaniu (agora) bele haree ba konfliktu politiku ne'ebe mak rezulta mos ho aktu violentu ne'ebe mak akontese iha tinan 2002, 2004, 2006, 2008 no mos 2014.

c. Mekanismu Jestaun Konfliktu iha Timor-Leste

Hafoin Timor-Leste ukun rasik a'an, UNTAET ne'ebe mak administra prosesu tranzisaun iha Timor-Leste introdus mekanismu jestaun konfliktu balun nudar jestaun konfliktu formal (ofisial). Mekanismu sira ne'ebe halao liu husi parte sira ne'ebe mak hala'o ona programa no atividade balun mak iha relasaun ho mekanismu sira rezolusaun konfliktu, hanesan formasaun konaba direitus umanus, *peace building*, apoiu umanitariu no mos rekonsiliaun. Helder da Costa (2004), hatete katak, prosesu sira ne'e la hetan susesu diak, tan ONU involve deit parte sira iha nivel lideransa nian no involve partisipasaun sosiedade nian no mos sosiedade sivil.

Hahu husi tinan 2002, to'o agora, mekanismu ofisial jestaun konfliktu ne'ebe mak governu introdus mak hanesan politika apoiu ba veteranu no kombatente libertasaun nasional, bolsu ba veteranu nia oan sira, bolsa ba inan mesak no mos estabelesementu CAVR (2002-2005) no mos CVA (2005-2008) ne'ebe mak ezekuta sira nia mandatu sira hodi investiga violasaun direitus umanus iha kontestu politiku no promove rekonsiliaun. Mekanismu balun rezolusaun konfliktu nian ne'ebe mak introdus mak Audensia Publika no mos Prosesu Rekonsiliaun Komunitaria (PRK) ba violensia sira ba grave.

III. KAPASIDADE INSTITUSIONAL, OBJETIVU, ASUMSAUN NO PROGRAMA

a. Panorama Institucional

Panorama aktual hafoin estabelesimentu Centro Chega! ho nia estrutura organizasional iha tinan 2017; Centro Chega! estabelese ona programa oi-oin nebe bele responde natureza Centro Chega!. Desde periodo 2017-2020 Centro Chega! halo programa memorializasaun nebe obre area sira hanesan, Estabelesementu Politika no Prosidimentu Internal, Edukasaun no Formasaun, Transmisaun Memoria Interjerasional, Reparasaun ba Vitima, Prezervasaun Memoria Pasadu no Dezaminaun Memoria Pasadu



1. Dezenvolvimentu Rekursu Umanu

Rekursu umanu ne'ebe mak Centro Chega! iha apos nia estabelesimentu iha 2017 mak rekursu hirak ne'ebe exerse hanesan rekursu umanu funcional. Kapasitasaun nebe Centro Chega! halo mak hodi hasae kualifikasaun hodi koresponde ba natureza Centro Chega! hodi kontinua legado *Comissão de Acolhimento, Verdade e Reconciliação* (CAVR) no CVA nian.

Alem rekursu umanu nebe exerse estrutura fungsional Centro Chega! iha leten iha mos rekursu sira hanesan konselhu asesoria nebe mak mai husi disiplina siensia oi-oin. Ikus liu mak rekursu umanu nebe Centro Chega! iha mak mai husi akordu biletaral liu husi nota intedimentu ho instituisaun publika no sosial sira seluk.

2. Dezenvolvimentu Kapasidade Institucional

Centro Chega! hanesan instituto publiku nebe ho kondisaun institusional existente hanesan tuir mai ne'e:

- **Arkivu**

Antes estatuisaun Centro Chega! hanesan Instituto Publiku fatin Centro Chega Hanesan fatin *Comissão de Acolhimento, Verdade e Reconciliação* (CAVR) nebe nia servisu consege halo arkivamentu ±25.000 neébe prezervadu ona nomos transforma ona hanesan arkivu Centro Chega!. alem de ida ne'e Centro Chega! mos hetan doasaun arkivu Timor iha rai liur, hanesan: CHART- Australia, National Library-Australia, Portugal, Arsip Nasional Republik Indonesia no mos mai husi entidade sira naun governamental nian sira iha rai-laran no rai-liur.

Ho kondisaun arkivu nebe mak Centro Chega! iha periodo hirak ba kotuk estabelese ona politika asesu ba arkivu no arkivu online, dizitalizasaun ba kaset- Audiovisual. Ho kondisaun hirak ne'e bele fasilita asesu publiku nia hodi halo estudo relasiona ho istoria Timores nian no diretus umanus.

- **Biblioteka**

Hanesan mos biblioteka kondisaun ne'ebe Centro Chega! iha hanesan heransa ida husi *Comissão de Acolhimento, Verdade e Reconciliação* (CAVR). Kolesaun livro nebe mak biblioteka Centro Chega! iha kuaze +890 livro nebe kompostu husi livro politika, istoria, diretus umanus, literatura, ensiklopedia no selut tan. Kondisaun biblioteka ida ne'e mak durante ne'e fo apoiu peskiza ba publiku hodi aseso halo leitura no peskiza sira ba monografia, tese mestrado no disertasaun. Kondisaun hirak ne'e sei fasilita mos sistema katalogo nebe estabelisidu ona ho software KOHA estabeles politika biblioteka.

- **Sitiu Istoriku**

Sitiu istoriku hanesan sitiun nebe Centro Chega! hodi preserva memoria pasadu sira relasiona ho konfliktu 1974-1999. Sitiun nebe mak Centro Chega iha mak edifisiu Centro Chega! rasik hanesan sitiun ida no sitiun sira nebe identifikadu iha munisipiu 13. Sitiun hirak ne'e durante sai ona hanesan sitiun ba memorializasaun interjerasional nomos sai fatin hodi aprende istoria no diretus umanus.



- **Peskiza Istoriku Sira**

Parte integral husi programa prezervasaun memoria pasadu mak, peskiza istoriku sira. Konseitu peskiza istoriku mak banati tuir Konseitu neebe hatur ona iha Nota Konseitu Memorializasaun Integradu.

Tipu sira peskiza istoriku nian mak hanesan tuir mai:

- Peskiza Istorika Komunitade ho naran Komunitade Ida – Istorika Ida
- Mapamentu Sitiu Istoriku
- Peskiza Tematiku

- **Reparasaun ba Vitima**

Centro Chega! mos hahu iha tinan 2018 halo ona preparasaun hodi implementa programa iha ambitu Reparasaun nian. Programa sira nee, iha 2020, integra ona iha Politika Hakbiit Sobrevivente Vulneravel Liu. Atividade ne'ebe mak iha relasaun direktamente ba prevensaun konfliktu nian mak rejistu sobrevivente vulneravel liu, komemorasaun eventu istoriku, publikasaun istorial pesoal no apoiu direta ba sobrevivente sira iha forma finanseiru eh material.

- **Diseminasaun Memoria**

Kapasidade existente ida neebe mak sei tulun hametin servisu SER-PK nian servisu diseminasaun memoria neebe mak sei kontinua divulga rezultadu servisu SER-PK nian. Utiliza kapasidade internal ne'ebe existe ona, servisu divulgasaun informasaun sira sei halao liu husi instrumentu ne'ebe mak existe ona hanesan sitiun elektrioniku (website) no mos liu husi orgaun komunikasaun sosial sira hanesan RTTL no Radio Komunitade sira.

b. Objektivu sira

Haktuir Rekomendasaun Relatoriu Komisaun Verdade no Amizade (KVA) entre Timor-Leste no Indonezia ne'ebe submete ona ba Prezidenti no Permeiru Ministru RDTL no Prezidenti Republika Indonezia iha tinan 2008, hatete katak Instituisaun barak mak dokumenta ona prova dokumentáriu kona-ba violasaun direitu umanu ne'ebé akontese iha Timor-Leste, hanesan KPPHAM, CAVR, SCU, no Tribunál Ad Hoc iha Jakarta. Atu aprende hosi memória pasadu sira ne'e, presiza iha sentru dokumentasaun ida hodi sai nu'udar fatin aprendizajen kona-ba konfliktu nian. CVA rekomena katak Sentru Dokumentasaun no Rezolusaun Konfliktu ne'e harii iha Timor-Leste no nia parseiru iha Indonézia ho objetivu atu:

- Sai nu'udar sentru hodi arkivu dokumentu istóriu sira;
- Sai nu'udar sentru ba halo peskiza kona-ba istória pasadu Timor-Leste no Indonézia nian;
- Organiza konferénsia sira atendentu ba sobrevivente sira liu-liu sira ne'ebé mak nesesita apoiu psikososiál, apoiu ba vítima sira violasaun seksuál no tortura sira;
- Sai sentru formasaun profesionál ba funsionáriu sira servisu iha área sosiál no saúde hodi fó atendentu ba vítima violasaun seksuál sira.



Bazeia ba rekomendasaun refere, Centro Chega! ho nia kompetensia sira haraik tuir Dekretu Lei# 48/2016, iha responsabilidade atu inkaza rekomendasaun ne'e iha programa sira Centro Chega! nian.

c. Asumsaun

Maske iha objetivu sira ne'ebe mak trasa iha leten, Centro Chega! dezena Programa Transmissaun Memoria Interjerasional bazeia ba asumsi sira hanesan tuir mai:

- Ema bai- no instituisaun (formal ka non formal) sira kontribui ba konflitu tan sira nia ignoransia ba esperiensia no la koko atu buka abut hosi konflitu ne'ebe mak halo sira vulneravel liu no fasil atu hetan manipulasaun hosi ema eh entidade sira ne'ebe mak iha interese
- Ema no instituisaun sira neebe konesidu no sira ne'ebe iha poder politika deit maka ema hakerek sira nia istoria ou sira na'in bele hakerek rasik sira nia istoria, kompara ho ema bai-bain tamba laiha poder ka sira rasik labele hakerek sira nia istoria no memoria rasik.
- Eskola sira hanorin istoria barak liu kona-ba nasaun seluk duke Istorias kona-ba Timor-Leste rasik.
- Fo hanoin ba malu konaba esperiensia sira konaba konflitu nian no fahe valor sira entre grupu etniku no politika sei kria konesun no oportunidade ba paz, liu-liu entre jerasaun foun sira ne'ebe mak laiha eh la hetan esperiensia direta konaba violensia iha sira nia moris
- Katak wainhira iha kompriensaun konaba konflitu, sei tulun ema no instituisaun hodi iha abilidade atu kunese sinal inisiu nian hosi konflitu nune'e sira bele hametin komunidadade nia reseliensia.

Garante katak Jerasaun foun sira iha istoria ne'ebe sira dokumenta rasik husi memoria pasadu husi sira nia inan, aman, no familia rasik, hodi dignifika nudar sobrevivente vulneravel husi violasaun direitus humanos iha pasadu, ne'ebe prezisa inklui iha narativa nasional hodi sai hanesan lisaun ba jerasaun foun Timor-Leste nian, no sira mos benefisia husi desenvolvimentu Timor-Leste nian.

IV. SENTRU ESTUDU REZOLUSAUN POS-KONFLITU

Rekomendasaun ida hosi Relatoriu CVA mak atu harii iha Dili, Sentru Dokumentasaun ba Rezolusaun Pos-Konflitu eh SER-PK. Sentru Estudu Rezolusaun Póz-Konflitu hanesan sentru ida nebe preserva memoria historika konflitu luta libertasaun nasional 1974-1999 no periodu kolonial Portuges nian holistikamente ne'ebe bele sai lisaun no apredezajen hodi promove dame, direitus umanus no demokrasia hodi hakribi tia natureza violensia oi-oin. Alem de ida ne'e bele sai mos centro ba debate hodi hare akontesimentu historiku sira ne'e nia implikasaun ba sosiedade kontemporaneo timores nian. Ho nune'e bele hari'i sosiedade timores ida nebe livre husi tipo violensia oi-oin nebe hanesan violensia ba direitus umanus.

1. Estrutura Programa

Programa Sentru Estudu Rezolusaun Póz-Konflitu nian mak programa sira nebe mak iha ambitu atu kontinua halo estudu sira ne'ebe mak iha relasaun ho prevensaun konflitu no mos sai nudar sentru kunesementu nian liu-liu konaba justisa transitoriu, transformasaun konflitu no direitus umanus.



Estrutura Programa Centro Chega! póz-konflitu mak hanesan programa sira nebe dezenvolve hodi buka oinsa mak ema Timor oan sira hari'i sira nia istoria pasado, oinsa hari'i dame, rekonsialiasaun nebe sai hanesan baze ba valorizasaun direitus umanus. Hanoin hirak ne'e komprende hanesan matadalan akompanhamentu ba investigasaun, organizasaun grupo debate no forum, kona ba tematika projetu investigasaun ou peskiza (Premiu Peskiza). Alem de ida ne'e possibilidade sira hanesan assiste aula, seminariu, konferensia ou workshop, publisidade (debate, TV talk show, lansamentu peskiza) no Kursu Tematiku relasiona ho justisa transisional timores nian no direitus humanus.

A. Estudu no Divulgasaun Estudu

Sentru Estudu Rezolusaun Pos-Konflitu (SER-PK), bazeia ba rekomendasaun husi CAVR no CVA mak tenki sai nudar sentru aprendizajen ida liu husi nia programa no atividade sira. Nune'e, programa sira ne'ebe mak SER-PK sei foku ba mak hanesan tuir mai:

1.1. Programa Peskiza

Iha kontestu ida ne'e estudo sira kona ba istoria, Justisa transisional, transformasaun no direitus humanos sei halo tematikamente bazeia ba memorializasaun nebe mak halo tia ona. Ho hanoin katak memorializasaun istoriku sira sempre integra asuntu dame no direitus umanus nian. Ho nune'e mak Centro ne'e bele sai hanesan centro ba dame no direitus umanos nune'e bele sai serve nudar sentru ba estudo rezolusaun póz-konflitu. Annualmente, SER-PK, sei anunsia tema peskiza sira hodi halo durante periodu neebe mak determina ona.

1.2. Bolsu Peskiza – Research Fellow

Atu insentiva peskizador rai-laran no estranzeiru sira hodi halao peskiza iha SER-PK, Centro Chega! mos anualmente sei anunsia bolsu peskiza ba peskizador sira hodi mai hala'o peskiza iha SER-PK. Liu husi prorama ne'e, Centro Chega! mos hein katak bele estabelese parseria ho entidade sira seluk iha rai-laran no mos husi rai-liur hodi mobiliza peskizador sira hodi mai halo estudo iha SER-PK. Ba programa estudo sira minimu fulan 1 to'o fulan 6 no maximu fulan 12 ou liu no debate tematiku, aula, seminariu, konferensia no workshop sira bele integra iha curso sira hanesan *curso verão*.

1.3. Divulgasaun Estudu

Nudar sentru ida ho karakter sentru aprendizajen, SER-PK mos regularmente halo divulgasaun rezultadu estudo no atividade sira ne'ebe mak halao ona. Programa divulgasaun estudo sei halao liu husi publikasaun regular no mos liu husi diskusaun, seminar no mos konferensia sira.

B. Formasaun no Hametin Kunesementu

Programa justisa transisiona Timores hanesan programa ida nebe atu promove modelo justisa transisional (nahe biti boot) nebe aplika durante ne'e iha comunidade hanesan resolusaun konflitu. Modelo ida ne'e atu hare kona ba oinsa prosessu dame, organizasaun justisa transisional, Mekanismo justisa Transisional, Rekonsializasaun no koesaun sosial, Reparasaun, Justisa Redistributiva (Socioeconómica), Memorializasaun, Jestaun Diversidade, Justisa no Responsabilizasaun, Reforma



Política no Institucionais no Direitos Humanos no Direito Povu³. Ideias hirak ne'e hotu sei sai hanesan modelo Sentru Estudu Rezolusaun Pos Konfliktu Centro Chega! nian hodi promove hanesan modelo ida ne'ebe bele sai lisaun no aprendizajen ba timor oan no nasaun post-konfliktu sira seluk

Utiliza rekursu sira ne'ebe mak iha ona Centro Chega!, SER-PK mos dezena no implementa programa sira neebe mak iha relasaun ho hametin Kunesementu. Programa sira ne'ebe mak sei hala'o mak hanesan tuir mai:

1.1 Formasaun

Divizaun relevante sira ho formasaun sei prepara SER-PK nia modulu sira formasaun nian konaba direitus umanus, estudu paz, estudu konfliktu, rekonsiliaun no transformasaun konfliktu ne'ebe mak loke ba entidade governo no publiku. Formasaun sira ne'e nudar formasaun regular ne'ebe mak dezena tuir sistematizasaun eh padraun ne'ebe rekunesidu.

1.2! "Sítio de Consciência"

Centro Chega! nia SER-PK ne'ebe mak existe iha Antigo Comarca Balide, "sítio de Consciência" Timores nian nebe kompostu husi fatin istóriu, museum, arkivu no biblioteka no iniciativa nebe dedika hodi hanoin hikas historia konfliktu ba luta libertasaun nasional 1974-1999, violasaun *direitos humanos* no oinsa bele infrenta ninian legado kontemporaneo. Aleinde de Antigo Comarca Balide ne'ebe mak nudar prizaun ba prisionero politiko no sítio historiku sira nebe mak identifkadu iha munisipiu 13.

Sítio hirak ne'e sei exerse nia poder memorial ida nebe bele dadolin istoria libertasaun nasional no violasaun diretos humanos ba publiku. Ho hanoin katak bele hasae komprensaun profunda kona ba istoria moruk nebe mak akontese ba timor oan sira no bele sai inspirasaun ba asaun sira nebe diak no justo iha futuru.

Portanto Centro Chega! bele sai *sítio de consciencia* nebe bele transforma aan nudar sentru kunesementu hodi halao programa sira hanesan partisipasaun sívika, organiza intercâmbios ba aprendizajem nebe bele halo kolaborasaun individuais ou grupo nomos bele halo konferensia nasional no internacional relasiona memorializasaun hanesan base ba *sítio de consciencia*.

Karateristiku *Sítio de Consciência* Centro Chega! mak hanesan tuir mai ne'e:

- ✚ *Sítio de Consciência* Centro Chega! hanesan fatin ida ba memória, fatin ida ba historia no museu memorial. Sítu ida ne'e sei sai hanesan fatin dielektika istorika relasiona ho nia akontesimentu no nia implikasaun kontemporanea
- ✚ *Sítios de Consciência* Centro Chega! destaka kona ba koragem, krueldade, ou moris kotidiana liu husi programa dialogo publico nebe hasae prespektiva sítu historiku sira no konekta ho questao sira nebe hasoru ohin lora, konvida vistante sira hodi halo refleksaun kona ba papel nebe sira bele desempenha ba resolusaun kestaun sira hanesan ne'e.

³ União Africana, Política de Justiça Transicional, Uma África Integrada, Próspera e em Paz, p.9-21

- + *Sítios de Consciência* Centro Chega! hanesan fatin ida nebe interpreta istoria liu husi fatin istorika sira nebe desenvolve liu husi programa nebe bele estimula dialogo kona ba kestaun social krusiais, Valores humanitariu e demokratiku hanesan funsaun primaria nomos fahe oportunidade ba envolvimentu publiku iha kestaun sira nebe levanta iha fatin istoriku sira.
- + *Sítio consciencia* bele sai fatin ida nebe bele dezenvolve programa sira ba juventude no estudante(ensino basiku&sekundariu) liu husi istoria nebe Centro Chega! iha hodi promove tolerância, dame no demokrasia nomos sidadania Timores ida nebe baseia ba direitos humanos.
- + *Sítio consciencia* Centro Chega! mos bele sai fatin apredizazen nebe bele apresenta modelo istoriku partisipasaun sidadaun ninian iha transizaun póz-konflitu ba demokrasia no uza istoria sira ne'e sai hanesan inspiraun ba dialogo no partisipasaun ba mudansa iha furuturu.
- + *Sítio de consciencia* Centro Chega bele aborda kestaun sira reparações, identidade, desigualdade ekonômika, Korrupsaun, tortura no violensia iha pasado hodi konstrui futuro kultura direitos humanos ba sociedade timores nebe iha transizaun.
- + *Sítio de consciencia* Centro Chega! sai hanesan fatin ida nebe uza memoria hodi influencia kultura politika liu husi servisu hamutuk ho joven sira hodi prevende forma oi-oin authoritarianismo iha jersaun futuro.

Programa sira SER PK nian halo bazeia ba enkuadramentu programatiku hanesan tuir mai;

Programa SER – PK




V. ENKUADRAMENTU MONITORIZASAUN NO AVALIASAUN

Atu asegura katak Programa SER-PK, hetan akompanamentu diak durante nia progresu sira, Centro Chega! tenki estabelese enkuadramentu monitorizasaun no avaliasaun hodi deteta avansu, dezafiu,

obstaklu no mos oinsa mak estabesele enkuadramentu sira hodi halo mudansa sira ba objetivu sira no mos atividade sira. Haree ba objetivu no asumsaun konaba kontestu rezolusaun konfliktu iha Timor-Leste, Centro Chega! opta atu estabesele enkuadramentu monitorizasaun no avaliasaun bazeia ba Konseitu *Theory of Changes* eh bele mos hanaran Teoria Mudansa Signifikante Iha definisaun oi-oin konaba teoria ne'e, maibe en jeral, teoria ne'e metodolozia espesifiku ida hodi halo planeamentu partisipativu no avaliasaun ne'ebe mak foku ba haree mudansa sosial sira

Teoria ne'e defini objetivu longu prazu nian bazeia ba Objektivu no Asumsaun ne'ebe mak identifika ona hosi instituisaun ida. Nune'e bazeia ba Objektivu Espesifiku sira no mos Asumsaun sira ne'ebe mak Centro Chega! estabesele iha Nota Konseitu Programa SER-PK ne'e, Centro Chega! sei utiliza enkuadramentu ne'e hodi tulun Centro Chega! hodi deteta mudansa signifkante sira (ba diak ka lae) no apresenta solusaun sira ne'ebe nesesariu ba mudansa sosial sira ne'ebe mak Centro Chega! hatur ona iha nia vizaun konaba harii dame. Iha tinan 2021 bazeia ba progresu sira halao ona liu husi Programa Memorializasaun Integradu sira no mos objetivu no mos asumsi sira husi Programa SER-PK, Centro Chega! halo interpretasaun Teoria Mudansa Signifikante ba Programa SER PK liu hosi enkuadramentu monitorizasaun hanesan tuir mai:



VI. LIA MAKTAKA

Atu operacionaliza SER-PK, Divizaun Dezenvolmentu Institucional no Rekursu Umanu (DDIRU) mak sei halo koordinasaun internal hamutuk ho GAO-CC hodi asegura katak modalidade ka rekursu sira existente iha Centro Chega! mobilizadu hodi to'o ba objetivu neebe mak hatur ona iha PAA 2021 nian.



Centro Nacional Chega!IP
Da Memória à Esperança



Atu to'o iha hanoin ida ne'e presija iha rekursu umanu nebe kualifikadu iha area determinadu nebe mak SER-PK presija mak peritu iha area direitus umanus, istoria, justisa Transitoriu, estdu paz, estudu konflitu no mos transformasaun konflitu nian. Ho kondisaun hirak ne'e mehi ba Centro Chega! sai Centro póz konflitu bele sai realidade.

Dili, 27 Janeiru 2021

Elabora hosi:

Maria Arminda G. da Costa
Diretora DDIRU

Aprova hosi:

Hugo Maria Fernandes
Diretor Ezekutivu



Bibliografia

Dekretu Lei 48/2016, Centro Nacional Chega!

Relatoriu Chega!

Relatoriu Per Memoriam Ad Spem

Searching for Peace in Asia Pacific, Edited by Annelies Heijmans, Nicola Simmonds, and Hans van de Veen, European Center for Conflict Prevention, 2004

Exploring Subregional Conflict, Edited by Chandra Lekha Sriram and Zoe Nielsen, A project of International Peace Academy, 2004

Handbook of Conflict Analysis and Resolution, Edited by Dennis J. D. Sandole, Sean Byrne, Ingrid Sandole- Staroste and Jessica Senehi, Routledge, 2009

The Evolution of Conflict Resolution, Louis Kriesberg, *The Sage Handbook of Conflict Resolution.* Thousand Oaks, CA: Sage, 2009.

Conflicts, Conflict Resolution Practices and Impacts of the War in South Sudan **Belay Tefera K***
International Journal of School and Cognitive Psychology *Department of Psychology, School of Psychology, College of Education and Behavioral Studies, Addis Ababa, Ethiopia, 2015*

Reconstruction and Capacity Building in Post Conflict Countries in Africa: A summary of lessons of experiences from Mozambique, Rwanda, Sierra Leone & Uganda, The African Capacity Building Foundation, 2004.

Barsalou, J and Baxter, V., "The urge of remember: the role of memories in social reconstruction and transitional justice. In Stabilization and Reconstruction Series No.5, January 2007

Radhita H: in The Community Memorialization Project: Memorialization for Non-Recurrence of Violent Conflict, Sri Lanka, August 2018

Audensia Publiku Konfliktu Politiku 1975, CAVR, Dili, 2004

Relatoriu Final 2020, Centro Nacional Chega! I.P, *Da Memoria Á Esperanca*, Dili, Janeiro 2020

Theory of Changes, https://en.wikipedia.org/wiki/Theory_of_change, accessed in February 28, 2020